

Z A P I S N I K

Sa 38-me redovne sjednice Skupštine Bosansko-podrinjskog kantona Goražde održane 2. avgusta 2010. godine u sali Skupštine Bosansko-podrinjskog kantona Goražde sa početkom u 10:00 sati.

Sjednici Skupštine Bosansko-podrinjskog kantona Goražde prisustvuje 24 poslanika, i to: poslanici Stranke demokratske akcije: Begović Alija, Dozo Hasan, Mulahmetović Mirsad, Halilović Adis, Ferhatović Jasmin, Obuća Bajro, Agović Adis i Borović Mensud, poslanici Stranke za Bosnu i Hercegovinu: Turčalo Mehmed, Džemidžić Envera, Žuga Damir, Omerbašić Jasmina, Rahman Ferid, Adžem Memsur i Kumro Mesud, poslanici Socijaldemokratske partije Bosne i Hercegovine: Bašić Redžo, Mujković Dževida, Frašto Emir, Kožo Mersudin, Imamović Ibrahim i Bilić Dragomir, poslanik Bosanskohercegovačke patriotske stranke – Sefer Halilović Terović Dževad i Tafro Hasan i Podrug Salko samostalni poslanici u Skupštini Bosansko-podrinjskog kantona Goražde.

Izostanak sa sjednice opravdala je poslanica Narodne Stranke radom za boljitak Milović Daliborka.

Pored poslanika Skupštine Bosansko-podrinjskog kantona Goražde sjednici prisustvuju: Premijer Bosansko-podrinjskog kantona Goražde Uruči Nazif, ministri u Vladi Bosansko-podrinjskog kantona Goražde: Pleh Muhidin, Kurtović Mustafa, Adžem Dževad, Imamović Demir, Delizaimović Alma, Džambegović Nermin predstavnik Ministarstva unutrašnjih poslova Bosansko-podrinjskog kantona Goražde, Hubanić Mirsad, predstavnik Ministarstva za privredu Bosansko-podrinjskog kantona Goražde, Kantonalni pravobranilac Delahmet Mensur, Mehić Zibija, Džihanić Nudžejm i Imširović Zineta, predstavnici Privrednog društva J.P. „Bosansko-podrinjske šume d.o.o. Goražde“, predstavnik Njemačkog LOT tima, predstavnik CCI-a, te predstavnici sredstava javnog informisanja.

Skupštinom Bosansko-podrinjskog kantona Goražde predsjedava predsjedavajući Skupštine Alija Begović, a zapisnik vodi Burhan Safeta.

Begović Alija – predsjedavajući Skupštine

Zapisnik sa 37-me redovne sjednice Skupštine ste dobili. Otvaram raspravu. Da li ima primjedbi? Pošto se niko ne javlja za riječ zaključujem raspravu i konstatujem da na zapisnik sa 37-me redovne sjednice Skupštine Bosansko-podrinjskog kantona Goražde nema primjedbi, te da je u skladu sa Poslovníkom Skupštine zapisnik usvojen.

Zapisnik sa posebne sjednice Skupštine, takodjer ste dobili. Otvaram raspravu. Da li ima primjedbi? Pošto se niko ne javlja za riječ zaključujem raspravu i konstatujem da na zapisnik sa posebne sjednice Skupštine Bosansko-podrinjskog kantona Goražde nema primjedbi, te da je u skladu sa Poslovníkom Skupštine zapisnik usvojen.

Kolegij Skupštine Bosansko-podrinjskog kantona Goražde za današnju sjednicu predložio je slijedeći:

D n e v n i r e d

- 1/ Vladin sat – poslanička pitanja i inicijative,
- 2/ Prijedlog Zakona o izmjenama i dopunama Zakona o zaštiti okoline Bosansko-podrinjskog kantona Goražde,
- 3/ Prijedlog Zakona o izmjenama i dopunama Zakona o pravobranilaštvu Bosansko-podrinjskog kantona Goražde /skraćeni postupak/
- 4/ Prijedlog Odluke o načinu raspolaganja objektima preuzetih iz procesa privatizacije bivšeg sistema UNIS HI „Azot“ Vitkovići,
- 5/ Prijedlog Odluke o utvrđivanju nisko-akumulativnih djelatnosti tradicionalnih esnafskih zanata,

- 6/ Prijedlog Odluke o formiranju i radu Komisije za davanje stručne ocjene u postupku izdavanja urbanističke saglasnosti,
- 7/ Izvještaj o radu za 2009. godinu Privrednog društva J.P. „Bosansko-podrinjske šume d.o.o. Goražde“,
- 8/ Informacija o izvršenju Budžeta Bosansko-podrinjskog kantona Goražde za period januar-mart 2010. godine,
- 9/ Izvještaj o izvršenju tekuće budžetske rezerve za period 01. 01. – 31. 03. 2010. godine,
- 10/ Konačni Izvještaj o izvršenoj reviziji finansijskih izvještaja Bosansko-podrinjskog kantona Goražde za 2009. godinu,
- 11/ Informacija o radu Kantonalnog pravobranilaštva Bosansko-podrinjskog kantona Goražde za 2009. godinu,
- 12/ Informacija o stanju turističko-ugostiteljske djelatnosti na području Bosansko-podrinjskog kantona Goražde,
- 13/ Informacija o stanju predajnika, repetitora i opreme u vlasništvu Bosansko-podrinjskog kantona Goražde,
- 14/ Informacija o utrošku sredstava prema programima na koje je dala saglasnost Skupština Bosansko-podrinjskog kantona Goražde,
- 15/ Prijedlog Zaključka o davanju saglasnosti Vladi Bosansko-podrinjskog kantona Goražde – Ministarstvu za socijalnu politiku, zdravstvo, raseljena lica i izbjeglice Bosansko-podrinjskog kantona Goražde na pilot projekt „Socijalno stanovanje u Bosni i Hercegovini“,
- 16/ Zaključak Komisije za ljudska prava, građanske slobode, predstavke, etički kodeks i civilno društvo po Informaciji o radu Kantonalnog tužilaštva u vezi postavljenih poslaničkih pitanja u Skupštini Bosansko-podrinjskog kantona Goražde.

Begović Alija – predsjedavajući Skupštine

Otvaram raspravu po predloženom dnevnom redu.

Tafro Hasan – predlažem da se tačka 4. Prijedlog Odluke o načinu raspolaganja objektima preuzetih iz procesa privatizacije bivšeg sistema UNIS HI „Azot“ Vitkovići, skine s dnevnog reda današnje sjednice Skupštine i ostavimo ovo novoj Vladi i Skupštini da o njoj raspravlja, jer je po meni ishitrena i o njoj se trebalo raspravljati kada su ti objekti vraćeni.

Kumro Mesud – predlažem da se u dnevni red današnje sjednice uvrsti: Razmatranje ostvarenja šestomjesečnog rada Vlade i Skupštine Bosansko-podrinjskog kantona Goražde i preduzimanje potrebnih mjera radi realizacije planiranog, a neostvarenog, što je u skladu sa članom 53. Poslovnika Skupštine Bosansko-podrinjskog kantona Goražde.

Begović Alija – predsjedavajući Skupštine

Kolegij Skupštine Bosansko-podrinjskog kantona Goražde raspravljao je o ovome i zaključili smo da bi za slijedeću sjednicu Skupštine Bosansko-podrinjskog kantona Goražde trebalo pripremiti ovaj šestomjesečni izvještaj.

Pošto se niko više ne javlja za riječ, zaključujem raspravu po predloženom dnevnom redu.

Stavljam na glasanje prijedlog poslanika Tafro Hasana da se tačka 4. Prijedlog Odluke o načinu raspolaganja objektima preuzetih iz procesa privatizacije bivšeg sistema UNIS HI „Azot“ Vitkovići, skine s dnevnog reda današnje sjednice Skupštine.

Ko je za, molim, da digne ruku? /13 poslanika/

Ima li neko protiv? /Niko/

Da li se neko uzdržao od glasanja? /11 poslanika/

Konstatiram da je sa 13 glasova „za“ i 11 „uzdržanih“ glasova tačka 4. Prijedlog Odluke o načinu raspolaganja objektima preuzetih iz procesa privatizacije bivšeg sistema UNIS HI „Azot“ Vitkovići skinuta s dnevnog reda današnje sjednice Skupštine

Stavljam na glasanje prijedlog poslanika Kumro Mesuda da se u dnevni red današnje sjednice Skupštine uvrsti: Razmatranje ostvarenja šestomjesečnog rada Vlade i Skupštine Bosansko-podrinjskog kantona Goražde i preduzimanje potrebnih mjera radi realizacije planiranog, a neostvarenog.

Ko je za, molim, da digne ruku? /10 poslanika/
Ima li neko protiv? /6 poslanika/
Da li se neko uzdržao od glasanja? /8 poslanika/

Konstatiram da sa 10 glasova „za“, 6 „protiv“ i 8 „uzdržanih“ glasova Skupština Bosansko-podrinjskog kantona Goražde nije prihvatila prijedlog poslanika Kumro Mesuda da se u dnevni red uvrsti: Razmatranje ostvarenja šestomjesečnog rada Vlade i Skupštine Bosansko-podrinjskog kantona Goražde i preduzimanje potrebnih mjera radi realizacije planiranog, a neostvarenog.

Stavljam na glasanje izmijenjeni dnevni red.

Ko je za, molim, da digne ruku? /19 poslanika/
Ima li neko protiv? /Niko/
Da li se neko uzdržao od glasanja? /4 poslanika/

Konstatiram da je Skupština Bosansko-podrinjskog kantona Goražde sa 19 glasova „za“ i 4 „uzdržana“ glasa usvojila slijedeći:

D n e v n i r e d

- 1/ Vladin sat – poslanička pitanja i inicijative,
- 2/ Prijedlog Zakona o izmjenama i dopunama Zakona o zaštiti okoline Bosansko-podrinjskog kantona Goražde,
- 3/ Prijedlog Zakona o izmjenama i dopunama Zakona o pravobranilaštvu Bosansko-podrinjskog kantona Goražde /skraćeni postupak/
- 4/ Prijedlog Odluke o utvrđivanju nisko-akumulativnih djelatnosti tradicionalnih esnafskih zanata,
- 5/ Prijedlog Odluke o formiranju i radu Komisije za davanje stručne ocjene u postupku izdavanja urbanističke saglasnosti,
- 6/ Izvještaj o radu za 2009. godinu Privrednog društva J.P. „Bosansko-podrinjske šume d.o.o. Goražde“,
- 7/ Informacija o izvršenju Budžeta Bosansko-podrinjskog kantona Goražde za period januar-mart 2010. godine,
- 8/ Izvještaj o izvršenju tekuće budžetske rezerve za period 01. 01. – 31. 03. 2010. godine,
- 9/ Konačni Izvještaj o izvršenoj reviziji finansijskih izvještaja Bosansko-podrinjskog kantona Goražde za 2009. godinu,
- 10/ Informacija o radu Kantonalnog pravobranilaštva Bosansko-podrinjskog kantona Goražde za 2009. godinu,
- 11/ Informacija o stanju turističko-ugostiteljske djelatnosti na području Bosansko-podrinjskog kantona Goražde,
- 12/ Informacija o stanju predajnika, repetitora i opreme u vlasništvu Bosansko-podrinjskog kantona Goražde,
- 13/ Informacija o utrošku sredstava prema programima na koje je dala saglasnost Skupština Bosansko-podrinjskog kantona Goražde,

14/ Prijedlog Zaključka o davanju saglasnosti Vladi Bosansko-podrinjskog kantona Goražde – Ministarstvu za socijalnu politiku, zdravstvo, raseljena lica i izbjeglice Bosansko-podrinjskog kantona Goražde na pilot projekt „Socijalno stanovanje u Bosni i Hercegovini“;

15/ Zaključak Komisije za ljudska prava, građanske slobode, predstavke, etički kodeks i civilno društvo po Informaciji o radu Kantonalnog tužilaštva u vezi postavljenih poslaničkih pitanja u Skupštini Bosansko-podrinjskog kantona Goražde.

Tačka 1.-

Prelazimo na 1-vu tačku dnevnog reda: Vladin sat – poslanička pitanja i inicijative

Zamoliti ću da se u potpunosti poštuje Poslovnik Skupštine Bosansko-podrinjskog kantona Goražde kada je u pitanju ova tačka, a i cjelokupan tok sjednice Skupštine.

Agović Adis – Kolege poslanici su predlagali ranije da „Vladin sat – poslanička pitanja i inicijative“ bude zadnja tačka dnevnog reda obzirom da ova tačka traje i po četiri sata. Predlažem da „Vladin sat – poslanička pitanja i inicijative“ traje ukupno jedan sat, s tim da se svim poslanicima omogući tri minute za postavljanje poslaničkih pitanja i inicijativa.

Begović Alija – predsjedavajući Skupštine

Pozivam poslanike koji nisu dobili odgovore ili nisu zadovoljni odgovorom na poslanička pitanja i inicijative da izraze svoje primjedbe.

Terović Dževad - Ja sam 30. 06. 2010. godine upoznao Stručnu službu Skupštine BPK-a Goražde i g-dina predjedavajućeg da, u skladu sa Poslovnikom, formiramo zajedno ja i kolega Salko Podrug Klub nezavisnih poslanika. Naše opredjeljenje temeljili smo na bazi Izbornog zakona i Poslovnika i prakse koja je bila prisutna do sada u našoj Skupštini u dva prethodna slučaja. Obzirom da je Izbornim Zakonom BiH u članu 1.9. definisano ovo pitanje da se ne može proglasiti kao nezavisni poslanik mi smo tu odluku promijenili i u skladu sa Izbornim zakonom ispravili, da se to zove po članu 1.9. samostalni poslanik, a u skladu sa članom 20. stav 1. i 6. formirali Klub ja i g-din Podrug. Molim Stručnu službu i predsjedavajućeg Skupštine, da u narednom periodu, sa nama korespondiraju i komuniciraju na način predviđen Zakonom.

Drugo, na 37-moj sjednici Skupštine od 30. 06. 2010. godine ja sam imao set poslaničkih pitanja – 9 pitanja, za g-dina premijera. Djelimično, sam dobio usmene odgovore na sjednici i rečeno je da će određeni odgovori vezani za posjetu Vlade Federacije, neposredno nakon razgovora i ove sjednice biti realizovani. Obzirom, koliko smo mi informisani i koliko znamo da značajan dio ovih pitanja nije riješen, pa čak i onaj dio koji se odnosio na određena sredstva koja bi poboljšala tekuću likvidnost i vidjet ćemo kasnije iz izvršenja Budžeta značajno promijenilo stanje. Zamolio bih g-dina premijera da nas informiše jesmo li mi dobili te pare koje su nam obećali ili nismo, hoćemo li ih dobiti i šta je sa kreditom itd. Ako ima potrebe ja ću ponoviti svih devet pitanja. Tražim, ako je to moguće, u skladu sa Poslovnikom da mi se usmeno odgovori na ovoj sjednici.

Begović Alija – predsjedavajući Skupštine

Što se tiče prvog pitanja g-din Terovića ja, kao predsjedavajući i Ustavna i zakonodavno-pravna komisija koja je zaprimila akt od Komisije za budžet, finansije i administrativna pitanja u vezi sa vašim pitanjem raspravljali smo na Ustavnoj i zakonodavno-pravnoj komisiji i da smo suočeni sa poprilično nejasnom definicijom. Najprije Izborni zakon koji ne poznaje, zapravo koji samo prihvata nezavisnog poslanika u slučaju kad udje u izbore kao nezavisni poslanik i kao takav bude verificiran kod Izborne komisije. Moram reći da Ustavna i zakonodavno-pravna komisija, po Poslovniku, nije nadležna da tumači zakone, osim u slučajevima kada se traži autentično tumačenje, naravno za one zakone koje donosi Skupština. Budući da se radi o Izbornom zakonu, takodjer, ne bi smo mogli davati tumačenje Izbornog zakona. Jedino što, eventualno, može da se učini, to je da se tumače odredbe našeg Poslovnika i da li je po našem Poslovniku moguće formirati klubove

postizborno i reorganizirati stranke itd. U principu, način na koji ste vi predložili, uz puno uvažavanje i, eventualno, takve mogućnosti ja vam ne mogu sam o tome presuditi, a nije htjela ni Ustavna i zakonodavno-pravna komisija a mogao bi, zaista, unijeti dosta problema u rad Skupštine, jer bi se moglo desiti da po dva poslanika iz svake stranke formiraju svoje klubove unutar stranaka što bi dovelo, zaista, do velikih organizacionih problema. Zato ja predlažem da ova pitanja, možda je najispravniji put da se pokuša zatražiti autentično tumačenje našeg Poslovnika i da Skupština koja je donijela Poslovnik isto tako se izjasni i definiše u potpunosti, eventualno, da autentično tumačenja ako je potrebno.

Terović Dževad - replika

Član 1.9. Izbornog zakona Bosne i Hercegovine definiše dva pitanja. Ja ću ih pročitati da bi kolege poslanici mogli pravilno shvatiti i razumjeti ovo pitanje. Mandat pripada izabranom nosiocu mandata, a ne političkoj stranci, decidno kaže, koaliciji ili listi nezavisnih kandidata koga je predložila na kandidatsku listu. Mandat ne može prestati osim u zakonom predviđenim slučajevima.

Stav 2. ukoliko izabrani nosilac mandata u toku trajanja mandata istupi iz političke stranke koalicije ili liste nezavisnih kandidata koja je učestvovala na izborima i na čijoj kandidatskoj listi bio izabrani nosilac mandata postaje samostalni vjećnik, odnosno poslanik.

Znači, mi smo uvažili stavove i jedne i druge komisije da to nije nezavisni nego da je to samostalni poslanik. Kad smo podnijeli našu inicijativu vodili smo se praksom koja je prisutna u ovoj Skupštini, prije ovoga, praksom koja je prisutna u skupštinama drugih kantona i praksom koja je prisutna u Zastupničkom domu Federalnog parlamenta, jer imamo gotovo identičan slučaj koji se desio. Prema tome članom 20. stav 1. i 6. našeg Poslovnika kaže, doduše, ne kaže on eksplicitno, nego sa najmanje dva poslanika, u Skupštini se formiraju klubovi poslanika političkih stranaka, koalicija, nezavisnih kandidata, (u daljem tekstu klubovi poslanika), a u svrhu olakšanja rada Skupštine i unapređenja međustranačke parlamentarne saradnje. A stava 6. kaže: „poslanici dvije ili više političkih stranaka koje u Skupštini imaju najmanje jednog izabranog poslanika kao i poslanici nezavisnih kandidata mogu formirati zajedničke klubove“. Prema tome nas je dvojica znači izrazila volju da želimo formirati zajednički klub. Mi smo ga formirali, obavjestili vas i ne vidim razloga, obzirom da je do kraja, da se ovo ne prihvati.

Begović Alija – predsjedavajući Skupštine

Zahvaljujem g-dinu Teroviću. Evo ja ne bih dalje na tu temu niti replicirao, jedino želim predložiti, dakle, da vi kao samostalni poslanici a u želji da formirate zajednički Klub, da se obratite i Mandatno-imunitetskoj komisiji koja je nadležna za pitanje mandata, možda i eventualno i Komisija za izbor i menovanja, jer su svi naši klubovi verificirani, predloženi i izabran predsjednik Kluba i tako dalje, u redovnoj proceduri i eventualno, mada ako je potrebno zatražiti još tumačenje ovog Izbornog zakona Bosne i Hercegovine, s tim što g-diine Teroviću, samo ću još jednu rečenicu, zašto kao Komisija nismo mogli biti rezolutni i potpuno jasni, jer piše ovo upravo kao što ste pročitali: formiraju se klubovi poslanika, političkih stranaka, koalicija i nezavisnih kandidata, a Izborni zakon definiše šta su političke stranke, šta su klubovi, i svi su oni morali biti prethodno verificirani, dakle prije dana izbora. Ako ste odustali, nema formulacije, niti ste politička stranka, niti ste nezavisni kandidat, onda po kojem dijelu ove norme možemo da prihvatimo da formirate klub. Ja zaista ne bih više polemizirao. Izvolite gospodine Podrug, naravno i Vi imate pravo.

Podrug Salko - Zaista nisam želio ništa govoriti, ali otvorismo raspravu i pozivamo se često na Izbornu komisiju, Izborni zakon. Mi smo na Komisiji uputili zahtjev, odnosno kontaktirali smo telefonom. Rekli su nam da to u praksi postoji, da Zakon nije jasan, da to u praksi postoji i u Federalnom parlamentu i u većini kantona, postoji da ljudi istupe iz određenih političkih partija i da formiraju svoje klubove

Begović Alija – predsjedavajući Skupštine

Zahvaljujem gospodinu Podrugu. Evo ja mislim da smo dali u ime, ja sam kao Predsjedavajući dao odgovor što se mene tiče, i preduzeću sve što ova Skupština mi naredi i tako da

ostavaljam ovo otvoreno i predlažem da se riješi u jednoj zakonitoj proceduri na najpravedniji mogući način. Ja mislim da smo mi kao Komisija donijeli određeni stav. Drugi dio Vašeg pitanja, inicijativa, želi li se neko očitovati o inicijativi g-dina Terovića?

Uruči Nazif – premijer Bosansko-podrinjskog kantona Goražde

Što se tiče konkretnog pitanja koji je danas uvaženi poslanik Terović iznio, donijeta je odluka na dva miliona KM (2.000.000 KM) grant sredstava za Bosansko-podrinjski kanton i čeka se objavljivanje Službenih novina, kako smo informisani od Ministarstva za finansije. A što se tiče pitanja ranije postavljenog vezanog za kreditna sretstva, tačno je da je Skupština više puta informisana i zato su donijete odluke na Skupštini o kreditnom zaduženju, ali isto tako je tačno da smo mi ponovo poslali svu dokumentaciju kako bi se ova sretstva koja su kreditno utvrđena u protekloj godini ove godine pretvorila u grant sredstva ili preuzela od strane Federacije na vraćanje.

Imamović Ibrahim - Ja sam dobio odgovor na moje poslaničko pitanje, odnosno inicijativu od direktora Kantonalne uprave za inspeksijske poslove i očigledno je da naš Zakon o kantonalnoj upravi za inspekcije ne valja i da ga promjenimo. Mi moramo riješiti stanje. Mi nemamo građevinskog inspektora i dok god ne primimo građevinskog inspektora ništa se živo neće moći uraditi. Svjedoci smo da se divlja, stvarno se divlja. Svak pravi svugdje i u ovoj situaciji može nekom na um pasti da istrese mikser šljunka ili betona na sred mosta i počne da pravi nešto, jer nemamo građevinskog inspektora. I ukoliko je ovaj problem prisutan, ja sam stvarno ljut i na direktora, on je bio dužan da obavjesti ovu Skupštinu i svoje pretpostavljene i da podhitno promjenimo i da se nađe modum, inspekcija mora da radi. Ranijim zakonom, ja sam bio građevinski inspektor i znam šta sam pričao i znam šta govorim, šef inspekcije je mogao bilo kom inspektoru dati ovlaštenje da obavi poslove iz te oblasti u situaciji kad nema inspektora, kad je bolestan, kad je odsutan i tako dalje. Ukoliko ne, ova inicijativa da podhitno pogledamo Zakon o inspeksijskim poslovima i da ovo prevaziđemo, jer odavno je ovo stanje i prelazi u stanje anarhije. Stvarno ako ne možemo da nešto srušimo tamo gdje će nam pasti na glavu, gdje će nekoga da ubije, mi jednostavno dok primimo, a možda će 50 godina da traje da neće niko da bude građevinski inspektor.

Kumro Mesud - Ja ništa, samo bi, svesrdno podržao sve ovo što je kolega Imamović ovdje iznio, a odnosi se na problem građevinske inspekcije i da Vas podsjetim na moju inicijativu od prošle sjednice, gdje sam zahtijevao od premijera i direktora inspekcije da konačno iznađu rješenje problema oko prijema građevinskog inspektora. U vezi ovoga što je diskutovao kolega Imamović, i u vezi moje inicijative, predlažem da mi danas donesemo zaključak kojim ćemo obavezati Vladu i direktora da iznađu rješenje problema građevinskog inspektora.

Turčalo Mehmed - Ovdje sam imao plan da kažem nešto o 36-toj redovnoj sjednici od 31. maja ove godine, pokrenuo sam poslaničku inicijativu da Ministarstvo, odnosno Vlada Kantona učestvuje u subvencioniranju 50 % iznosa za izradu, odbranu postdiplomskih radova, odnosno za izradu magisterija. Govorio sam prije svega o studentima koji su bili stipendisti ovoga Kantona, o studentima koji nakog završetka i stjecanja diplome visoke stručne spreme nisu dobili radna mjesta već se na takav način iznos od 50 % subvencionira. Od resorne ministrice dobio sam, na prvi pogled, jedan ovako korektan, fin i opširan odgovor i u tom odgovoru stoji da Vlada to ima i kod, čini mi se u iznosu od 17.700 KM (sedamnaest hiljada i sedamsto KM), da će Vlada do polovine mjeseca maja biti, ako sam to dobro razumio, u situaciji da raspiše taj javni poziv, pa bi volio da g-đa ministrica na ovoj sjednici, direktno, odgovori dokle se s ovim stiglo, hoće li od ovog biti, s obzirom da je već ovaj termin na neki način probijen što se tiče samog zauzimanja stava Vlade o ovome. Ja koliko znam, bar ono iz medija da naša Vlada o ovome nije raspravljala ili to naši mediji nisu prenijeli.

Dalžaimović Alma – ministrica za obrazovanje, nauku, kulturu i sport u Vladi Bosansko-podrinjskog kantona Goražde dala je odgovor na poslaničku inicijativu poslanika Turčalo Mehmeda. Poslanik je bio zadovoljan odgovorom.

Begović Alija – predsjedavajući Skupštine

Pozivam poslanike da postavite nova poslanička pitanja i inicijative.

Damir Žuga - Prije nego što postavim jedno poslaničko pitanje i jednu inicijativu, na ovo pitanje tražim odmah odgovor, imam i poslovničku intervenciju u članu 199. gdje se kaže da članovi Vlade Kantona redovno prisustvuju sjednicama Skupštine. Ja stvarno zahvaljujem se Vama koji ste ovdje, ali veći dio Vlade, treba to radi javnosti izreći nije prisutan ovdje. Volio bi da nas premijer upozna s tim. Dakle, ako je neko na odmoru ima neko da ga mjenja da bi mi mogli dobiti adekvatne odgovore na naša postavljena pitanja. Također, g-dine predsjedavajući, intervencija je i u članu 147. stav 2. Poslovnika, mislim da je to propust ali nije kasno i možemo i sad ga ispravimo da ovaj Zakon o pravobranilaštvu, ja smatram, trebamo se izjasniti o skraćenoj proceduri i ako je ušao u dnevni red kao skraćena procedura, mislim da smo trebali se o tome izjasniti. Ja podržavam i mislim da nije ništa sporno, ali trebalo bi radi formalnosti da se i Skupština izjasni o tome.

Na osnovu člana 95., 202. i 203. Poslovnika Skupštine Bosansko-podrinjskog kantona Goražde /“Službene novine Bosansko-podrinjskog kantona Goražde“, broj: 10/08/, pokrećem slijedeću:

P o s l a n i č k u i n i c i j a t i v u

Da Ministarstvo za urbanizam, prostorno uređenje i zaštitu okoline, odmah, pristupi uređenju oko vode, tzv. „Popove vode“ u ulici Višegradska.

O b r a z l o ž e n j e

Pomenuta voda u ulici Višegradska je u jako lošem stanju. Prilaz istoj je bio mnogo bolji u toku rata nego što je to danas. U toku rata najmanje 1/3 građana se snadbijevala sa iste i mislim da finansijska sredstva potrebna za uređenje oko te vode nikako neće preći cijenu od 2.000 KM. Naša dodatna obaveza da se ovo realizuje je u tome što je i pokojni ministar Nedimović mještanima koji i dan danas koriste ovu vodu obećao uraditi isto. Ovu vodu koristimo i mi svi sa lijeve obale grada kad nam nestane vode u gradu, što složiti će te se samnom, nije rijedak slučaj!

Na osnovu člana 202. i 203. Poslovnika Skupštine Bosansko-podrinjskog kantona Goražde /“Službene novine Bosansko-podrinjskog kantona Goražde“, broj: 10/08/, postavljam slijedeće:

P o s l a n i č k o p i t a n j e

Upućeno ministrici obrazovanja i tražim odmah odgovor

Zašto je poništen konkurs o prijemu višeg stručnog saradnika u Pedagoškom zavodu Bosansko-podrinjskog kantona Goražde?

Iz sredstava informisanja smo upoznati da je poništen konkurs, interesuje me koji su razlozi poništenja tog konkursa i namjerava li se ponovo raspisivati konkurs s obzirom da je to lice jako potrebno kako ovom Zavodu tako i cjelokupnom obrazovanju na našem Kantonu?

Delizaimović Alma – ministrica za obrazovanje, nauku, kulturu i sport u Vladi Bosansko-podrinjskog kantona Goražde dala je odgovor na pitanje poslanika Žuga Damira kojim je g-din Žuga Damir bio zadovoljan.

Uruči Nazif – premijer Bosansko-podrinjskog kantona Goražde

Što se tiče ovoga da članovi Vlade nisu prisutni, vi ako vidite ovdje nas ima pet, tako da možemo punovažno raditi i odlučivati. Ministrica Janković je vezana za majku koja je bolesna, ministar Sipović je vezan za zdravstvene probleme oko zuba, ali može doći, a ima predstavnik Ministarstva ovdje danas, tako da Vlada može raditi i nadam se neće faliti niko od njih baš personalno, ako bude baš zapelo, tražićemo ih. Drugo moram podsjetiti da je plan Skupštine bio da neće biti sjednica u avgustu i izdata su rješenja od 2. avgusta svima onima koji su napravili raspored u ministarstvima, tako da je to jedan od razloga. Ministar Ažem je u Goraždu i ima sastanak i očekujemo svaki čas njegov dolazak, a imamo kvorum i možemo raditi. Sigurni budite u ovo što pričam.

A što se tiče Popove vode u Višegradskoj ulici, mislim da u papirima nigdje od saradnika iz Ministarstva za urbanizam nisam bio informisan da je to u nekom redu prioriteta i neophodnosti, ali pogledaćemo to odmah i vidjeti šta je moguće napraviti i naravno prije svega moramo vidjeti bonitet vode, ako ona nije u ispravnom stanju trebaće to prvo riješiti, pa onda dalje s aspekta kvaliteta. Pio sam je i ja od malih nogu, ali je pitanje sad kakva je. Hvala.

Redžo Bašić - Vidimo da televizija ne prenosi ova zasjedanja, a ne znam zbog čega. Ja bih prvo predložio jedan zaključak, ako se slažete, da stavimo na usvajanje da ovom satu poslanička pitanja i inicijative prisustvuju komesar policije i direktor inspekcije, zato što su to dva ključna čovjeka na koje se najčešće odnose pitanja i koji nam odmah mogu dati objašnjenje. Da to uvedemo u praksu od narednog zasjedanja Skupštine i da uz članove Vlade prisustvuju i ta dva čovjeka.

Na osnovu člana 202. i 203. Poslovnika Skupštine Bosansko-podrinjskog kantona Goražde /“Službene novine Bosansko-podrinjskog kantona Goražde“, broj: 10/08/, postavljam slijedeće:

P o s l a n i č k o p i t a n j e

Drugo moje pitanje postavljam i tražim danas usmeni odgovor, a na jednom od prethodnih zasjedanja sam tražio da se izvrši jednom kontrola prevoza rasutih tereta i iznošenja blata na saobraćajnice. Svjedoci smo ovih dana da je u jeku turistička sezona a vrši se prevoz rasutih tereta bez zaštite, dok istovremeno saobraćajna policija samo vrši kontrolu mjerenja brzine i to na pravicima, jesmo li prekoračili brzinu 11 ili 15 km/h. Postali smo, najvjerovatnije, crna rupa za sve vozače iz regiona i ostalog. Zaobilaze nas u širokom luku koristeći čak susjedne države, Srbiju i Crnu Goru, tako da nikome se ne prolazi kroz ovaj Kanton, dok istovremeno imamo preticanje u krivinama preko pune linije, čak i kolone vozila sa tragičnim poslijedicama i udesima.

Na osnovu člana 202. i 203. Poslovnika Skupštine Bosansko-podrinjskog kantona Goražde /“Službene novine Bosansko-podrinjskog kantona Goražde“, broj: 10/08/, postavljam slijedeće:

P o s l a n i č k o p i t a n j e

Kada ćemo jednom početi kontrolisati promet u nepreglednim dionicama i vršiti sankcionisanje vozača, a ne zaustavljati samo vozila na pravicima i maltretirati strane turiste, čak i domaće turiste koji su krenuli u Goražde da se odmore, zaustavljati ih na cesti i posebno u toku turističke sezone?

Džambegović Nermin – predstavnik Ministarstva unutrašnjih poslova BPK-a Goražde

Dao je odgovor na poslaničko pitanje Bašić Redža. Poslanik nije bio zadovoljan ponuđenim odgovorom.

Redžo Bašić - Zbog ovih stvari sam ja tražio da prisustvuje komesar policije i direktor kantonalne inspekcije. Vozilo se može snimiti koje pretiče kolonu u krivinama i sačekati na narednom

proširenju, ne treba se tu zaustavljati, to je barem jasno. Policijski službenik sa kamerom snimi to sve i sačeka se na narednom proširenju i to se vozilo sankcioniše.

Druga stvar, kontrola kamiona koji prevoze rasute terete, to je strahota, ići iza tog kamiona i čekati kad će vam pasti kamen na glavu. To je ravno samoubistvu na cestama. I ako ne znate, prije nekoliko večeri, za vrijeme Ustikoljanskog ljeta, su bile tragične posljedice, udar vozila koje je preticalo kolonu vozila, i kako ćemo to spriječiti? Hvala.

Adžem Memsur - Na osnovu člana 202. i 203. Poslovnika Skupštine Bosansko-podrinjskog kantona Goražde /"Službene novine Bosansko-podrinjskog kantona Goražde", broj: 10/08/, postavljam slijedeće:

P o s l a n i č k o p i t a n j e

S obzirom da je završen prvi prijemni rok u srednje škole sa područja našeg Kantona, postavljam pitanje resornoj ministrici da li je Ministarstvo za obrazovanje BPK-a Goražde radilo analizu prolaznosti prvog upisnog roka po školama?

Mi smo u nekoliko navrata u ovoj sali čuli da je mjerodavan uspjeh učenika samo na tom prvom roku, dok u drugom upisnom roku svi prodju! Pitam se da li je neko /Pedagoški zavod ili neko iz Ministarstva za obrazovanje/ radio analizu prolaznosti tih učenika i iz kojih škola oni dolaze i to detaljno po školama i po predmetima s ciljem uočavanja problema, tj. predmeta?

Ja imam informaciju da neke škole u prvom upisnom roku imaju jako mali procenat upisanih u prvom prijemnom krugu, što me navodi na sumnju da je u nekim školama iz predmeta koji se polažu na prijemnim ispitima ispod svih kriterija. Pitam šta će se poduzeti na rješavanju navedenih problema, a sve sa ciljem boljeg obrazovanja naših djaka u svim školama?

Takodje, još jednom hoću da kažem da je stav Stranke za Bosnu i Hercegovinu po pitanju prijemnih ispita u srednje škole ostao isti.

Mi smatramo da se važeći prijemni ispiti trebaju ukinuti i upis učenika se treba vršiti na osnovu rezultata istih u toku njihovog cjelokupnog osmogodišnjeg školovanja, tj. na osnovu uspjeha učenika u učenju i vladanju.

Dragomir Bilić - Često smo puta putem sredstava informisanja obavješteni o trovanju gljivama, nažalost često i sa smrtnim ishodom, naročito na području Tuzle i Banja Luke. Na našoj Opštini je, mislim 1996. godine bilo jedno trovanje sa smrtnim ishodom, a prije nekoliko dana je također bilo jedno teško trovanje. Ja se blizu 40 godina bavim branjem i studiranjem gljiva, naročito sa stanovišta jestivosti otrovnih gljiva, njihovih dvojnika liječenja i ljekovitih svojstava gljiva.

Pa me interesuje i postavio bi slijedeće poslaničko pitanje: Je li postoji stručna kontrola prodaje gljiva na našem kantonu?

Borović Mensud - Na osnovu člana 95., 202. i 203. Poslovnika Skupštine Bosansko-podrinjskog kantona Goražde /"Službene novine Bosansko-podrinjskog kantona Goražde", broj: 10/08/, pokrećem slijedeću:

P o s l a n i č k u i n i c i j a t i v u

1/ Obzirom da je na dijelu vodotoka rijeke Drine od Ustikoline do Goražda na malom broju lokaliteta moguć pristup obalama rijeke Drine, podnosim inicijativu da Ministarstvo za privredu Bosansko-podrinjskog kantona Goražde u saradnji sa Općinom Goražde i Foča-Ustikolina i Turističkom zajednicom Bosansko-podrinjskog kantona Goražde poduzmu aktivnosti na sanaciji pristupnih puteva koji vode do obala rijeke Drine na dionici vodotoka od Ustikoline do Goražda, s

ciljem stvaranja preduslova za razvoj rekreativnog sporta i riječnog turizma na rijeci Drini i s ciljem značajnijeg isticanja i naglašavanja rijeke Drine kao najvećeg prirodnog bogatstva i najvećeg turističkog „brenda“ Bosansko-podrinjskog kantona Goražde.

2/ Komisija za pitanja boračko-invalidske zaštite, izbjeglih i raseljenih lica Skupštine Bosansko-podrinjskog kantona Goražde je na jednoj od svojih sjednica dala preporuku Ministarstvu za boračka pitanja da implementira član 15. stav 3. Zakona o dopunskim pravima branilaca i članova njihovih porodica u Bosansko-podrinjskom kantonu, a obzirom na iskazane stalne i sve češće potrebe branilaca i članova njihovih porodica za pomoć u liječenju, pokrećem inicijativu da resorno Ministarstvo pristupi implementaciji člana 15. stav 3. Zakona koji se odnosi na formiranje Fonda branilaca i članova njihovih porodica u Bosansko-podrinjskom kantonu s ciljem obezbjeđenja sredstava za troškove liječenja u inostranstvu i putne troškove.

Mesud Kumro - Pa ja sam mislio odmah iza ovih kolega koji su pitali o radu policije da se nadovežem i da pitam predstavnike Ministarstva unutrašnjih poslova, a i nadležnog ministra za socijalna pitanja, šta se do sada uradilo i kako to da se ne može stati u kraj pojavi prosječenja na području našeg Kantona, posebno na ulicama grada Goražda? Uvjeren sam da se slažete samnom da se svakodnevno susrećemo sa mučnim i ružnim prizorima svakodnevnog prosjačenja na ulicama našeg grada. Ako ste imali priliku izlaziti ovih večeri, u vrijeme trajanja ovog festivala, to prosjačenje je još više pojačano i zaista molim i zahtjevam od predstavnika institucija koji su dužni da ovom stanju u kraj, da nešto tu i urade.

Drugo moje poslaničko pitanje odnosi se, najvjerovatnije, na ministra privrede, i predstavnika Ministarstva za urbanizam, da nam se ovdje odgovori u kakvom je stanju i kakav trenutni status ima trasa bivše željezničke uskotračne pruge koja prolazi dijelom našeg Kantona? Uvjeren sam da bi ova trasa morala biti nečija briga, posebno iz razloga što bi ona mogla biti iskorištena za izgradnju nekih od infrastrukturnih puteva, za razvoj turizma, alternativnih putnih pravaca i tako dalje. Ja sam bio u prilici, a uvjeren sam da ste i vi, da se ova trasa u nekim dijelovima oštećuje, za šta mislim da je prava šteta obzirom na ove navedene okolnosti.

Salko Podrug - gospodine predsjedavajući, ponukan raspravom o zahtjevu g-dina Terovića i moje malenkosti ja predlažem inicijativu da se Skupština odmah danas izjasni o našem zahtjevu kako bi smanjili proceduru zasjedanja ponovo komisija i izdvajanja troškova komisija bez potrebe, a mislim da Skupština ima kapacitet i autoritet da danas može donijeti odluku, glasanjem da se izjasni da li podržava formiranje Kluba samostalnih kandidata g-dina Terović Dževada i Podrug Salka. Tako bi smo smanjili proceduru i imali zaključak koji je obavezujući za ostale organe.

Ibrahim Imamović - Povodom inicijative dvojice naših kolega, koji su sada samostalni poslanici, Klub poslanika SDP-a će podržati ovu stvar, i ja pozivam ostale da podržimo i nema nikakvih problema.

Emir Frašto - Imam inicijativu da Vlada i resorni ministar upoznaju ovu Skupštinu, prije nego daju saglasnost, na otvaranje Djačkog doma!

Općinsko vijeće je donijelo odluku da da Đački dom na korištenje, a obzirom da je to oblast koja spada u školstvo i obrazovanje pa je kantonalnog nivoa, vjerovatno na to, i obavezno bi trebao ministar da da saglasnost, a ja tražim u vaše ime da se Skupština upozna s tim šta će biti u tom Đačkom domu.

Alija Begović – predsjedavajući Skupštine

Ja bih želio da se osvrnem na jednu situaciju u našem Kantonu, u kojem građani ovog Kantona nisu ravnopravni i nisu u jednakoj poziciji kada je u pitanju uživanje komunalnih prava i pogodnosti. U našem gradu postoje, još uvijek, nakon rata, koliko je prošlo dvadesetak godina područja koja nisu osvijetljena. Ja sam više puta pokušao skrenuti pažnju na taj problem i da budem

iskren on nije definitivno u nadležnosti ove Skupštine, koliko sam shvatio. Pokušao sam kontaktirati sa Komunalnim preduzećem, sa načelnikom Opštine u čijoj je nadležnosti Komunalno preduzeće, sa nekim vijećnicima i mislim da je, zaista, sramota i ugrožena su ljudska prava, dok su neke ulice daleko izvan grada potpuno osvijetljene. U ulicama poput Ibrahima Popovića još od 1992. godine nikada neke lampe nisu uključene. Dakle, ljudi se još uvijek kreću sa baterijskim lampama, pa molim, najprije Komisiju za ljudska prava, da obrati pažnju na ta pitanja i, eventualno, ako Vlada pošto ostale institucije ne žele to da riješe mogu riješiti da građani Bosansko-podrinjskog kantona Goražde uživaju jednaka prava, a ne prema nekim ličnim afinitetima i slično. Mislim da su takva, da kažem rješenja, neprihvatljiva za današnji fakt.

Bašić Redžo - Ponukan ovim što je predsjedavajući rekao, jeste žalosna činjenica da se vrši diskriminacija. Medjutim, predsjedavajući i ova Skupština samo se zapitajte koliko ljudi sada nas ne može slušati zato što nema pristup struji. Koliko je povratnika u ruralnim područjima koji su voljni da se vrate, trenutno borave bez struje i to je još tragičnija činjenica od ovoga, što se ljudi kreću sa baterijskim lampama.

Begović Alija – predsjedavajući Skupštine

Slažem se sa diskusijom g-dina Bašića i treba se, zaista, potruditi da sva ljudska prava na svim dijelovima budu jednako poštovana i kvalitetno rješavana.

Džembegović Nermin – predstavnik Ministarstva unutrašnjih poslova Bosansko-podrinjskog kantona Goražde istakao je da će Ministarstvo pismeno odgovoriti na postavljena poslanička pitanja.

Obuća Bajro - Vezano za inicijativu, obzirom da se insistira na glasanju, o formiranju novog Kluba, mislim da nikada Skupština nije formirala bilo koji poslanički Klub. Jesmo li se mi ikada ovdje izjašnjavali o formiranju nekog Kluba? Da li to iko pamti? Poslovnikom Skupštine, se ostavlja mogućnost u skladu sa Zakonom, Poslovnikom i drugim propisima, koji su to kriteriji, koji je to način, koja je to procedura da se formira, između ostalog, poslanički Klub. U uvodu je bilo o tome riječi. Izborni zakon nije nedorečen. Vrlo je dorečen, vrlo je precizan, vrlo je jasan. U slučaju kada izabrani zvaničnik, konkretno poslanik, napušta jednu političku stranku, obzirom da mandat pripada njemu on prestaje biti to što je bio, ali postaje samostalni poslanik, a ne nezavisni. To govorim sa aspekta onog što piše u našem Poslovniku. To nije sporno, tako piše u Zakonu, ali je sporno sa aspekta Poslovnika koji nigdje ne tretira to što se tamo u Zakonu tretira. Zakon je Zakon, a Poslovnik je Poslovnik. Mi ćemo, kao Klub, tražiti pauzu, da otvorimo mogućnost da nadjemo neko rješenje. Zaista, mislim da nemamo u ovom trenutku nikakve mogućnosti da ovakvu jednu inicijativu podržimo. Zatražit ćemo pauzu da pokušamo, da li na nivou Kolegija, neke komisije da još o tome porazgovaramo, a ne ovako ad-hok da donosimo neku odluku. To nije princip. Ponavljam, nikada Skupština nije donosila odluku kojom je formirala ovaj ili onaj Klub. Kad smo to radili? Nikad! Klubovi se formiraju u skladu sa Poslovnikom i kriterijima i procedurama koje su propisane ovdje.

Podrug Salko - replika

Zaista, Skupština nikada nije formirala Klub, ali je ovdje napravljen presedan. Radna tijela nisu uradila svoj dio posla jer se pokušalo politizirati. Isključivo pravo je poslanika da formiraju Klub da bi Poslovnik bio ispoštovan u potpunosti. Ja tražim da se Skupština izjasni i da podršku ovoj inicijativi a, normalno, nadležna Komisija će dati verifikaciju.

Imamović Ibrahim - Iz razloga što Poslovnik nije definisao ovakvu situaciju, mi podržavamo inicijativu dvojice naših kolega koji su postali samostalni poslanici da formiraju svoj Klub da bi prevazišli tu prepreku koja objektivno postoji. Skupština se može izjasniti i da promjeni taj član Poslovnika da ne bi komplikovali situaciju, a da nadležna tijela urade svoje.

Borović Mensud - Mi nikada nismo odbili zahtjev za formiranje Kluba na Komisiji. Mi nismo na Komisiju dobili taj zahtjev. Mi smo dobili zahtjev neke druge prirode kojim se ostvaruje pravo na ime predsjednika Kluba. Prava iz Zakona o plaćama itd. Ja sam očekivao da će predsjednica Komisije za budžet, finansije i administrativna pitanja da izadje i da reaguje. Da se ne stvori pogrešna slika mi na Komisiji nismo uopšte razmatrali zahtjev o formiranju Kluba. Klub se formira u skladu sa Zakonom.

Džemidžić Envera – predsjednica Komisije za budžet, finansije i administrativna pitanja Skupštine BPK-a Goražde

Na posljednjem zasjedanju Komsije za budžet, finansije i administrativna pitanja, Komisija je dobila zahtjev. Podnosilac zahtjeva je Terović Dževad. Pozvao se na Poslovnik Skupštine Bosansko-podrinjskog kantona Goražde i obavijestio Komisiju da je 30. juna 2010. godine formiran Klub samostalnih poslanika u Skupštini Bosansko-podrinjskog kantona Goražde. U zahtjevu koji je došao prije taj Klub je nazvan Klub nezavisnih. Kada je upoređen Izborni zakon i Poslovnik Skupštine učinilo se našim kolegama da je to bolje nazvati Klub samostalnih poslanika. Izvjestili su nas i ko je predsjednik Kluba, to je g-din Terović Dževad i oni su u skladu sa članom 15. Zakona o naknadama plaća poslanika i plaćama funkcionera koje bira, imenuje ili čiji izbor i imenovanje potvrđuje Skupština Bosansko-podrinjskog kantona Goražde i zatražili da donesemo Rješenje o utvrđivanju plaće. Znači, oni su od Komisije za budžet, finansije i administrativna pitanja tražili da donese Rješenje o utvrđivanju plaće. Mi smo ozbiljno razmatrali ovaj zahtjev. Uporedili smo Izborni zakon i naš Poslovnik, koji je podzakonski akt i nismo imali većinu. Pošto na ovoj Komisiji ne dolazi do preglasavanja, ja nisam ovaj zahtjev stavljala ni na glasanje i našli smo rješenje da se obratimo Ustavnoj i zakonodavno-pravnoj komisiji da bi nam protumačila kakvo rješenje da donese ovo skupštinsko tijelo. Na početku, predsjedavajući Skupštine, koji je predsjednik Ustavne i zakonodavno-pravne komisije sugerisao nam je da uputimo nekoj drugoj skupštinskoj komisiji ovaj zahtjev, pomenuo je dvije, sada neki misle da to radi ova Skupština. Mene začudjuje, što Klub Socijaldemokratske partije hoće da podrži ovaj zahtjev, a njihov predstavnik u Komisiji za budžet, finansije i administrativna pitanja je bio izričito protiv. Komisija za budžet, finansije i administrativna pitanja zasjedala je sa četiri člana, jedan član je bio na godišnjem odmoru. Komisija može ovo ponovo da razmatra jer se radi i o novom zahtjevu, jer njega nismo razmatrali. Ako poslanici smatraju da je ovo bolje rješenje, izvolite i mi ćemo se ponovo odrediti o svemu.

Obuća Bajro - Očigledno ovo nije dovedeno do kraja. Mi kao poslanici nemamo nikakvo pisano mišljenje ni jedne komisije o ovoj inicijativi. Dvije komisije su raspravljali i sada se mi ovdje informišemo, ali pisanog mišljenja nemamo. Neko je pomenuo i Komisiju za izbor i imenovanja. Ova Komisija nikakve veze nema sa formiranjem kluba. Zamolio bih, zaista, uvažavajući ovu kao i svaku drugu inicijativu da se ovo pripremi, kada kažem pripremi, mislim prvenstveno na radna tijela koja su se bavila ovim pitanjem. Imat ćemo još sjednica i neka se predloži Skupštini neko rješenje. Ako se insistira na glasanju Klub poslanika Stranke demokratske akcije traži pauzu pošto je ovo neki novi momenat, jer na Klubu poslanika o ovome nismo ni raspravljali, da zauzmemo neki stav.

Terović Dževad – replika

Da neko ne misli da su to neke velike pare. 3. oktobra ističe mandat i do tada to košta 540,00 KM. Ako je to problem mi ćemo se u interesu pomoći da brže i adekvatnije radi ova Skupština, jer nećemo ja i moj kolega koji smo slobodno u skladu sa Zakonom izrazili želju da želimo biti samostalni poslanici, jer nam pripada mandat, mi želimo na Kolegiju i drugim organima da Skupština manje traje. Jer ako tamo riješimo pola pitanja koja su sporna nećemo ih postavljati ovdje i mi kao Klub možemo samo dati doprinos boljem i učinkovitijem radu Kolegija, a i same Skupštine.

Obuća Bajro – replika

Očigledno da je g-din Terović u svojoj diskusiji zaboravio jedan drugi Zakon, koji se zove Zakon o finansiranju političkih partija gdje je jedina zakonska mogućnost ostavljena tim

državnim Zakonom finansiranje parlamentarnih grupa. Na početku mandata vi g-dine Teroviću ste imali nedoumica šta je Klub, šta je parlamentarna grupa, pa ste postavljali upite. Bavili smo se i time. Nisu to baš tako sitne pare o kojima ste vi ovdje govorili. Prema tome, ako nešto govorimo, treba biti do kraja jasan, precizan, tačan i o svemu upoznati onoga od koga se traži da donese odluku.

Begović Alija – predsjedavajući Skupštine

Insistiram da poštujemo Poslovnik. Kada su u pitanju klubovi poslanika, budući da se i medijski prati, ja ću pročitati kompletan član i mislim da je potpuno jasno iz ovog člana, neka se čuje još jednom.

Član 20. Poslovnika glasi:

„(1) U Skupštini se formiraju klubovi poslanika političkih stranaka, koalicija i nezavisnih kandidata (u daljem tekstu klubovi poslanika) u svrhu olakšanja rada Skupštine i unapređenja medjustranačke parlamentarne saradnje“.

Dakle, ne postoji Klub samostalnih poslanika. Izborni zakon definiše šta su koalicije itd., dakle, ne mogu se po Izbornom zakonu koalicijom tretirati sadašnje postizborne koalicije. Samo Izborni zakon tretira koalicije koje su najavljene za izbore i učestvovala na izborima kao koalicije ili kao nezavisni kandidati.

„(2) Klubovi poslanika formiraju se kao mehanizam djelovanja poslanika i političkih stranaka u Skupštini“.

„(3) Klub poslanika može formirati politička stranka sa najmanje dva poslanika u Skupštini“.

Dakle, ovaj se zahtjev ne uklapa.

„(4) Klub poslanika može formirati koalicija sa najmanje dva poslanika u Skupštini“.

Takodjer, ono što sam malo prije rekao ovaj zahtjev se ne uklapa.

„(5) Koalicioni klub poslanika formiraju poslanici koji su u Skupštinu izabrani sa zajedničke, koalicione izborne liste“.

To je ono što sam maločas rekao. Dakle, izborna koaliciona liste prije izbora.

G-din Terović, takodjer, se pozvao na tačku 6. ovog člana koja glasi:

„(6) Poslanici dvije ili više političkih stranaka koje u Skupštini imaju najmanje jednog izabranog poslanika, kao i poslanici – nezavisni kandidati, mogu formirati zajednički klub poslanika“.

To su mogućnosti Poslovnika.

„(7) Skupština u skladu sa mogućnostima obezbjeđuje prostorne uslove za rad klubova, neophodna finansijska sredstva, dokumentaciju, isporuku Službenih novina i vršenje administrativno-tehničkih i drugih poslova“.

Ako želimo izaći u susret ovakvom načinu organiziranja mislim da trebamo izmijeniti Poslovnik. G-din Obuća je rekao da Skupština nije izglasavala klubove itd., vjerovatno, po automatizmu iz Poslovnika je jasno da postoji Klub, ali je Skupština morala i ja kao predsjedavajući moram znati ko je predsjednik nekog Kluba, jer mu dajem riječ prioritarno po Poslovnku i ima prednost i diskusije mogu trajati duže. Mislim da bar Mandatno-imunitetska komisija treba verificirati

mandat Kluba. Ja nemam ništa protiv. Poštovat ću stav većine poslanika, poštovat ću zaključke Skupštine, ali moj je prijedlog da se, ipak, očituju radna tijela i da se to još dodatno precizira, mada je po mom mišljenju ovo i onako sve jasno.

Bilić Dragomir - U Domu naroda neki delegati su prešli u nezavisne delegate. Ja bih dao prijedlog da nazovemo sekretara Doma naroda Parlamenta Federacije Bosne i Hercegovine da se konsultujemo.

Žuga Damir - Ja želim da skrenem pažnju na nešto drugo, na nešto što ćemo znati tek poslije 3. oktobra. Dakle, poslije 3. oktobra mi ćemo znati učešće u formiranju nove vlasti. Neko će biti pozicija, a neko opozicija. Želim da skrenem pažnju na mogućnost problema koji može da nastane. Po našem Poslovniku dva poslanika čine Klub što meni nije logično i nije u redu. Mogu se desiti veliki problemi u narednom mandatu. Stoga predlažem izmjene i dopune Poslovnika u ovom dijelu da uradi Kolegij ili Komisija. Ne znamo ko će biti pozicija, a ko opozicija nakon 3. oktobra, ali pozicija može imati velikih problema zbog Poslovnika koji će važiti kad prodju izbori. Zato molim da se urade izmjene i dopune Poslovnika, upravo, zbog ovih stvari. Predsjednica Komisije za budžet, finansije i administrativna pitanja na Klubu nas je detaljno upoznala o ovome i iznijela svoj stav koji smo mi podržali. Slušajući sad i druge prijedloge, moram da kažem da sam u nedoumici. Ima argumenata i za jedno i za drugo i zato, u ime Kluba poslanika Stranke za Bosnu i Hercegovinu, tražim pauzu od pola sata da bi obavili konsultacije sa našim organima stranke i samim poslanicima kako bi mogli konačno zauzeti stav.

Podrug Salko - Vodjen parlamentarnom praksom u ostalim kantonima, parlamentarnom praksom u Federalnom parlamentu, mi smo obavijestili Skupštinu da smo formirali Klub 30. juna ne sluteći da će bilo ko osporiti naše legitimno pravo da kao grupa formiramo Klub kako bi pospješili rad ove Skupštine u interesu gradjana ovog Kantona. Zašto su komisije i ostali imali neke rezerve prema ovome ja ne znam, zato insistiram da se Skupština izjasni o našem legitimnom pravu. Na Komisiji smo, g-dine predsjedavajući kontaktirali Izbornu komisiju i rekli su nam da Izborni zakon nije jasan ali da u praksi to već postoji u niz kantona i Federalnom parlamentu.

Begović Alija – predsjedavajući Skupštine

Ja mogu potvrditi to što ste rekli. Dajem pauzu od 25 minuta.

/Završena pauza/

Begović Alija – predsjedavajući Skupštine

Dali smo pauzu na zahtjev dva kluba: Kluba poslanika Stranke demokratske akcije i Kluba poslanika Stranke za Bosnu i Hercegovinu.

Obuća Bajro – predsjednik Kluba poslanika Stranke demokratske akcije

Stav 2. i 3. člana 204. Poslovnika Skupštine Bosansko-podrinjskog kantona Goražde glasi:

„(2) O podnesenim inicijativama, u pravilu, vodi se rasprava na prvoj narednoj sjednici Skupštine u okviru „Vladinog sata“ a subjekat na kojeg se odnosi inicijativa dužan je da se o istoj odredi uz obrazloženje“.

„(3) Skupština se može zaključkom odrediti o predloženoj inicijativi, a dužna je da se odredi ukoliko podnosilac inicijative to traži, na prvoj narednoj sjednici, u okviru „Vladinog sata“.

Dakle, vrlo je jasan i precizan Poslovnik, zato sam ja u svojoj prvoj diskusiji tražio da poslanici u Skupštini Kantona budu dobro pripremljeni po mišljenjima radnih tijela i da se na prvoj

narednoj sjednici Skupštine o ovome opredjelimo, a ne ovako ad-hok, preko koljena. Međutim, ukoliko predlagač insistira da se o ovome odredimo mi smo zauzeli stav koji ćemo iskazati prilikom glasanja.

Turčalo Mehmed – predsjednik Kluba poslanika Stranke za Bosnu i Hercegovinu

Mogu se u dobroj mjeri složiti s ovim što je kolega Obuća govorio. Ovdje se govorilo o plaći. Ja mislim da je to jedan od posljednjih i najmanje važnih momenata. Ovdje je bitan i najvažniji momenat da mi danas ne bi smjeli preko koljena da donosimo tako značajne odluke. Imamo vremena jer ćemo imati još jednu sjednicu Skupštine i kolege koje su ovu inicijativu pokrenuli imaju dovoljno vremena da se mogu obratiti u pisanoj formi prema Izornoj komisiji. Kada budemo imali više pokazatelja lakše će nam biti kako ne bi kršili propise.

Begović Alija – predsjedavajući Skupštine

Ja kao predsjedavajući dužan sam poštovati Poslovnik, tako da sam dužan, u pravilu, prihvatiti zahtjev ova dva kluba da se dosljedno poštuje Poslovnik i da se na slijedećoj sjednici izjasnimo o inicijativu koju je uputio g-din Dževad Terović. Što se tiče prava koje bi, eventualno, poslanici stekli formiranjem Kluba i njegovom verifikacijom mislim da ta prava trebaju teći od momenta kada su formirali Klub, tako da ne bi smo u tom smislu oštetili poslanike.

Pošto se niko više ne javlja za riječ, zaključujem ovu tačku dnevnog reda i pozivam sve poslanike koji su uputili pitanja i inicijative, a nisu ih dostavili u pisanoj formi da to u skladu sa Poslovnikom Skupštine Bosansko-podrinjskog kantona Goražde učine. Također, pozivam sve one kojima su postavljena poslanička pitanja i inicijative da u rokovima predviđenim Poslovnikom Skupštine Bosansko-podrinjskog kantona Goražde dostave odgovore.

Tačka 2.-

Prelazimo na 2-gu tačku dnevnog reda: Prijedlog Zakona o izmjenama i dopunama Zakona o zaštiti okoline Bosansko-podrinjskog kantona Goražde.

Obrazloženje po Prijedlogu Zakona o izmjenama i dopunama Zakona o zaštiti okoline Bosansko-podrinjskog kantona Goražde dao je premijer Bosansko-podrinjskog kantona Goražde Nazif Uruči.

Alija Begović – predsjednik Ustavne i zakonodavno-pravne komisije

Prijedlog Zakona o izmjenama i dopunama Zakona o zaštiti okoline Bosansko-podrinjskog kantona Goražde predložen je od ovlaštenog predlagača, pravno je utemeljen i postoji potreba za njegovim donošenjem.

Predlaže se Skupštini Bosansko-podrinjskog kantona Goražde da vodi raspravu o Prijedlogu Zakona o izmjenama i dopunama Zakona o zaštiti okoline Bosansko-podrinjskog kantona Goražde.

Da li predsjednici ostalih radnih tijela žele saopštiti svoje stavove?

Redžo Bašić – u ime Komisije za urbanizam, prostorno uređenje, stambeno-komunalnu politiku, infrastrukturu i zaštitu okoline Skupštine Bosansko-podrinjskog kantona Goražde

Komisija za urbanizam, prostorno uređenje, stambeno-komunalnu politiku, infrastrukturu i zaštitu okoline Skupštine Bosansko-podrinjskog kantona Goražde nema primjedbi na

Prijedlog Zakona o izmjenama i dopunama Zakona o zaštiti okoline Bosansko-podrinjskog kantona i predlaže da Skupština Bosansko-podrinjskog kantona Goražde isti donese.

Alija Begović – predsjedavajući Skupštine

Otvaram raspravu po Prijedlogu Zakona o izmjenama i dopunama Zakona o zaštiti okoline Bosansko-podrinjskog kantona Goražde.

U diskusiji po Prijedlogu Zakona o izmjenama i dopunama Zakona o zaštiti okoline Bosansko-podrinjskog kantona Goražde učestvovao je Damir Žuga.

Konstatiram da na ovaj Zakon nisu upućeni amandmani, te da se možemo izjasniti o Prijedlogu Zakonu o izmjenama i dopunama Zakona o zaštiti okoline Bosansko-podrinjskog kantona Goražde.

/Sjednici prisustvuje 22 poslanika/

Ko je za, molim, da digne ruku? /22 poslanika/

Ima li neko protiv? /Niko/

Da li se neko uzdržao? /Niko/

Konstatiram da je Skupština Bosansko-podrinjskog kantona Goražde, jednoglasno, sa 22 glasa „za“ donijela Zakon o izmjenama i dopunama Zakona o zaštiti okoline Bosansko-podrinjskog kantona Goražde.

Tačka 3.-

Prelazimo na 3-ću tačku dnevnog reda: Prijedlog Zakona o izmjenama i dopunama Zakona o pravobranilaštvu Bosansko-podrinjskog kantona Goražde (skraćeni postupak).

Alija Begović – predsjedavajući Skupštine

Uvažavam primjedbu g-dina Damira Žuge da smo kao prethodno pitanje propustili utvrditi potrebu za skraćenim postupkom, zato sad pozivam poslanike da to ipak verificiramo, da li se poslanici slažu da prihvatimo da se ovaj Prijedlog Zakona razmatra po skraćenom postupku?

Ko je za, molim, da digne ruku? /22 poslanika/

Ima li neko protiv? /Niko/

Da li se neko uzdržao? /Niko/

Konstatiram da je Skupština Bosansko-podrinjskog kantona Goražde, jednoglasno, sa 22 glasa „za“ prihvatila da Prijedlog Zakon o izmjenama i dopunama Zakona o pravobranilaštvu Bosansko-podrinjskog kantona Goražde razmatramo po skraćenom postupku.

Prijedlog Zakona o izmjenama i dopunama Zakona o pravobranilaštvu Bosansko-podrinjskog kantona Goražde (skraćeni postupak) u skupštinsku proceduru uputila je Vlada Bosansko-podrinjskog kantona Goražde.

Prijedlog Zakona ste dobili. Pozivam predlagača ukoliko ima potrebe da usmeno obrazloži Prijedlog Zakona o izmjenama i dopunama Zakona o pravobranilaštvu Bosansko-podrinjskog kantona Goražde (skraćeni postupak).

Uvodno obrazloženje po Prijedlog Zakona o izmjenama i dopunama Zakona o pravobranilaštvu Bosansko-podrinjskog kantona Goražde (skraćeni postupak) dao je Kantonalni pravobranilac Bosansko-podrinjskog kantona Goražde Mensur Delahmet i istakao da se u Prijedlogu Zakona o izmjenama i dopunama Zakona o pravobranilaštvu Bosansko-podrinjskog kantona Goražde potkrala štamparska greška i umjesto stava 1. treba da stoji stav 2.

Otvaram raspravu po Prijedlogu Zakona o izmjenama i dopunama Zakona o pravobranilaštvu Bosansko-podrinjskog kantona Goražde.

U diskusiji po Prijedlogu Zakona o izmjenama i dopunama Zakona o pravobranilaštvu Bosansko-podrinjskog kantona Goražde učestvovali su: Alija Begović i Damir Žuga.

Ostavimo tačku 3. otvorenu za izjašnjavanje, da se sačini korektan prijedlog i podijeli svim poslanicima, a diskusiju zaključujem.

Tačka 4.-

Prelazimo na 4-tu tačku dnevnog reda: Prijedlog Odluke o utvrđivanju nisko-akumulativnih djelatnosti tradicionalnih esnafskih zanata.

Alija Begović – predsjedavajući Skupštine

Prijedlog Odluke smo dobili. Prijedlog Odluke o utvrđivanju nisko-akumulativnih djelatnosti tradicionalnih esnafskih zanata dostavila je Vlada Bosansko-podrinjskog kantona Goražde.

Da li predlagač želi obrazložiti Odluku?

Stav Ustavne i zakonodavno-pravne komisije Skupštine Bosansko-podrinjskog kantona Goražde je da je Prijedlog Odluke o utvrđivanju nisko-akumulativnih djelatnosti tradicionalnih esnafskih zanata predložena od ovlaštenog predlagača, pravno je utemeljena i postoji potreba za njenim donošenjem.

Predlaže se Skupštini Bosansko-podrinjskog kantona Goražde da vodi raspravu o Prijedlogu Odluke o utvrđivanju nisko-akumulativnih djelatnosti tradicionalnih esnafskih zanata.

Da li druge komisije žele uzeti učešće u raspravi, ako ne, otvaram raspravu za poslanike.

U diskusiji po Prijedlogu Odluke o utvrđivanju nisko-akumulativnih djelatnosti tradicionalnih esnafskih zanata učestvovali su: Bajro Obuća, Envera Džemidžić i Alija Begović.

Emir Frašto - Klub Socijaldemokratske partije BiH će podržati ovu Odluku i smatramo da treba dodati 2-3 zanimanja.

Jedno se odnosi u onom dijelu gdje se govori o proizvodnji džemova, trebalo bi dodati pekmeza, voćnih sokova i voćnih rakija. Mi toliko proizvedemo i toliko popijemo, a na tržištu toga nema. To bi trebalo dodati, jer je to unosan posao.

Slijedeće što gradu fali, a spada u ovu grupu dopunjenih jeste južkar, tako da bi i to trebalo dopuniti. Ono što se pojavilo u zadnje vrijeme a od koristi je, osim džema što proizvode udruženja žena to je proizvodnja kiseljenja paprika u konzervi, krastavaca (zimnica), pa možda to trebalo ugraditi.

Ovo bi trebali prihvatiti kao Amandman.

- jufkar;
- proizvodnja voćnih sokova, pekmeza i voćnih rakija;
- kiseljenje paprika u konzervi i krastavaca.

Mensud Borović - Ja bih samo skrenuo pažnju prije objave same Odluke, da se dupli nazivi u članu 1. izbrišu. Imamo 3-4 zanimanja koja se duplaju u tekstu: kujundžija, zlatar, vlasuljar, frizer itd. Dosta toga se ponavlja i prije same objave da se sredi tekst i da bude složeno po redu.

Begović Alija – predsjedavajući Skupštine

Da li predlagač prihvata ovakve popravke i dopune, ukoliko da, a očekujem da će prihvatiti, mislim da bi ovaj akt trebalo tehnički složiti uz izmjene i dopune, složiti po abecedi kako ste sugerirali, zanimanja prečistiti ako se duplaju, pa ćemo u toku sjednice staviti na izjašnjavanje, ako se slažete s tim? Slažete.

Tačka 5.-

Prelazimo na 5-tu tačku dnevnog reda: Prijedlog Odluke o formiranju i radu Komisije za davanje stručne ocjene u postupku izdavanja urbanističke saglasnosti.

Alija Begović – predsjedavajući Skupštine

Prijedlog Odluke smo dobili, da li Vlada želi obrazložiti Prijedlog Odluke o formiranju i radu Komisije za davanje stručne ocjene u postupku izdavanja urbanističke saglasnosti.

Nazif Uruči - premijer Bosansko-podrinjskog kantona Goražde

Vrlo kratko. Ovdje ima jedan zaključak Komisije za izbor i imenovanja koji su sugerisali šta sve u preambuli treba da stoji to akceptiramo, također Komisija za urbanizam, prostorno uređenje, stambeno-komunalnu politiku, infrastrukturu i zaštitu okoline Skupštine Bosansko-podrinjskog kantona Goražde ima Amandman i Amandman se prihvata.

Begović Alija – predsjedavajući Skupštine

Otvaram raspravu po Prijedlog Odluke o formiranju i radu Komisije za davanje stručne ocjene u postupku izdavanja urbanističke saglasnosti.

Pošto se niko ne javlja za riječ, zaključujem raspravu, po ovoj tački dnevnog reda i stavljam na izjašnjavanje Prijedlog Odluke o formiranju i radu Komisije za davanje stručne ocjene u postupku izdavanja urbanističke saglasnosti uz Amandman koji je Vlada prihvatila.

(Sjednici prisustvuje 23 poslanika)

Ko je za, molim, da digne ruku? /23 poslanika/
 Ima li neko protiv? /Niko/
 Da li se neko uzdržao? /Niko/

Konstatiram da je Skupština Bosansko-podrinjskog kantona Goražde, jednoglasno, sa 23 glasa „za“ donijela Odluku o formiranju i radu Komisije za davanje stručne ocjene u postupku izdavanja urbanističke saglasnosti.

Tačka 6.-

Prelazimo na 6-tu tačku dnevnog reda: Izvještaj o radu za 2009. godinu Privrednog društva J.P. „Bosansko-podrinjske šume d.o.o. Goražde“.

Obrazloženje po Izvještaju o radu za 2009. godinu Privrednog društva J.P. „Bosansko-podrinjske šume d.o.o. Goražde“ dali su: Zibija Mehić šef odsjeka za zaštitu šuma i Nudžejm Džihanić šef odsjeka za ekonomsko-finansijske poslove.

Alija Begović – predsjedavajući Skupštine

Otvaram raspravu po Izvještaju o radu za 2009. godinu Privrednog društva J.P. „Bosansko-podrinjske šume d.o.o. Goražde“.

U diskusiji po Izvještaju o radu za 2009. godinu Privrednog društva J.P. „Bosansko-podrinjske šume d.o.o. Goražde učestvovali su: Mehmed Turčalo, Adis Halilović i Memsur Adžem.

Damir Žuga - Na na tragu svoje inicijative o formiranju skladišta za lagerovanje i prodaju ogrevnog drveta predložiti da Skupština prije izjašnjavanja po Izvještaju o radu za 2009. godinu Privrednog društva J.P. „Bosansko-podrinjske šume d.o.o. Goražde“, donese slijedeći:

Z a k l j u č a k

Skupština Bosansko-podrinjskog kantona Goražde traži od J.P. „Bosansko-podrinjske šume d.o.o. Goražde“ da odmah formira skladište za lagerovanje i prodaju ogrevnog drveta za potrebe građana našeg Kantona.

Ovu inicijativu ja sam pokretao na 27-moj redovnoj sjednici, održanoj 24.08.2009. godine i obrazložio sam potrebe za otvaranje skladišta za lagerovanje i prodaju ogrevnog drveta, radi prodaje građanima zato što su potrošači često oštećeni prilikom kupovine u pogledu količine i kvaliteta ogrevnog drveta, a mislim da se pomenutom bave određeni pravni subjekti i fizička lica na nezakonit način. O ovoj oblasti već smo tad govorili i sigurno nedostaje efikasan inspekcijski nadzor zaštite potrošača. Ja koristim ovu priliku i tražim da se Skupština izjasni o ovoj inicijativi koja je davno podnešena i da donese ovakav zaključak.

Jasmin Ferhatović – Ja predlažem da Skupština Bosansko-podrinjskog kantona Goražde donese slijedeći:

Z a k l j u č a k

Traži se od Privrednog društva J.P. „Bosansko-podrinjske šume d.o.o. Goražde“ da, odmah, sanira sve putne pravce koji su oštećeni eksploatacijom drvnih sortimenata.

Dalje, u diskusiji po Izvještaju o radu za 2009. godinu Privrednog društva J.P. „Bosansko-podrinjske šume d.o.o. Goražde“, učestvovali su Bašić Redžo, Mehić Zibija, Džihanić Nudžejm, Imamović Ibrahim i Tafro Hasan.

Begović Alija – predsjedavajući Skupštine

Stavljam na glasnje zaključak g-dina Damira Žuge, koji glasi:

Skupština Bosansko-podrinjskog kantona Goražde traži od J.P. „Bosansko-podrinjske šume d.o.o. Goražde“ da odmah formira skladište za lagerovanje i prodaju ogrevnog drveta za potrebe građana našeg Kantona.

Ko je za, molim, da digne ruku? /14 poslanika/

Ima li neko protiv? /Niko/

Da li se neko uzdržao od glasanja? /9 poslanika/

Konstatiram da je Skupština Bosansko-podrinjskog kantona Goražde sa 14 glasova „za“ i 9 „protiv“ donijela slijedeći:

Z a k l j u č a k

Skupština Bosansko-podrinjskog kantona Goražde traži od J.P. „Bosansko-podrinjske šume d.o.o. Goražde“ da odmah formira skladište za lagerovanje i prodaju ogrevnog drveta za potrebe građana našeg Kantona.

Stavljam na glasanje zaključak koji je predložio g-din Jasmin Ferhatović, a koji glasi:

Traži se od Privrednog društva J.P. „Bosansko-podrinjske šume d.o.o. Goražde“ da, odmah, sanira sve putne pravce koji su oštećeni eksploatacijom drvnih sortimenata.

Ko je za, molim, da digne ruku? /22 poslanika/

Ima li neko protiv? /Niko/

Da li se neko uzdržao od glasanja? /1 poslanik/

Konstatiram da je Skupština Bosansko-podrinjskog kantona Goražde sa 22 glasa „za“ i 1 „protiv“ donijela sljedeći:

Z a k l j u č a k

Traži se od Privrednog društva J.P. „Bosansko-podrinjske šume d.o.o. Goražde“ da, odmah, sanira sve putne pravce koji su oštećeni eksploatacijom drvnih sortimenata.

Stavljam na glasanje Izvještaj o radu za 2009. godinu Privrednog društva J.P. „Bosansko-podrinjske šume d.o.o. Goražde“.

Ko je za, molim, da digne ruku? /9 poslanika/

Ima li neko protiv? /11 poslanika/

Da li se neko uzdržao od glasanja? /3 poslanika/

Konstatiram da Skupština Bosansko-podrinjskog kantona Goražde nije usvojila Izvještaj o radu za 2009. godinu Privrednog društva J.P. „Bosansko-podrinjske šume d.o.o. Goražde“, jer nije dobio potrebnu većinu glasova.

Dobili smo korigovani tekst Zakona o izmjenama i dopunama Zakona o Pravobranilaštvu Bosansko-podrinjskog kantona Goražde. Ja ću ga pročitati, pa da ga usvojimo.

Na osnovu Poglavlja IV Odjeljak A člana 23. stav 1. tačka b. Ustava Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/98, 10/00 i 5/03), i člana 107. Poslovnika Skupštine Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 10/08), Skupština Bosansko-podrinjskog kantona Goražde, na 38-moj redovnoj sjednici, održanoj 2. avgusta 2010. godine, **d o n o s i**:

Z A K O N

O IZMJENAMA I DOPUNAMA ZAKONA O PRAVOBRANILAŠTVU BOSANSKO- PODRINJSKOG KANTONA GORAŽDE

Član 1.

U Zakonu o Pravobranilaštvu Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 1/06 i 14/08), u članu 10. stav 2. mijenja se i glasi:

„Pravobranilaštvo vrši poslove pravne zaštite imovine i imovinskih interesa Kantona, odnosno općina u sastavu Bosansko-podrinjskog kantona Goražde koje nemaju svoje

pravobranilaštvo, njihovih organa, drugih organa, javnih ustanova i fondova koji imaju svojstvo pravnog lica, a finansiraju se iz Budžeta Kantona, odnosno općina, ili u odnosu na njih Kanton, odnosno Općina vrši osnivačka prava“.

Član 2.

Ovaj Zakon stupa na snagu osmog dana od dana objavljivanja u „Službenim novinama Bosansko-podrinjskog kantona Goražde“.

/Sjednici prisustvuje 23 poslanika/

Ko je za, molim, da digne ruku? /23 poslanika/

Ima li neko protiv? /Niko/

Da li se neko uzdržao od glasanja? /Niko/

Konstatiram da je Skupština Bosansko-podrinjskog kantona Goražde, jednoglasno, sa 23 glasa „za“ donijela Zakon o izmjenama i dopunama Zakona o pravobranilaštvu Bosansko-podrinjskog kantona Goražde.

/Sjednici prisustvuje 22 poslanika/

Takodjer, potrebno je da usvojimo Odluku o utvrđivanju nisko akumulativnih djelatnosti tradicionalnih esnafskih zanata, s tim što ćemo zadužiti Vladu Bosansko-podrinjskog kantona Goražde da izvrši tehničke popravke i ugradi amandmane g-dina Frašto Emira.

Ko je za, molim, da digne ruku? /22 poslanika/

Ima li neko protiv? /Niko/

Da li se neko uzdržao od glasanja? /Niko/

Konstatiram da je Skupština Bosansko-podrinjskog kantona Goražde, jednoglasno, sa 22 glasa „za“ donijela Odluku o utvrđivanju nisko akumulativnih djelatnosti tradicionalnih esnafskih zanata uz tehničke popravke koje su sugerisane u toku rasprave, kao i amandmane predložene od strane g-dina Frašto Emira.

Tačka 7.-

Prelazimo na 7-mu tačku dnevnog reda Informacija o izvršenju Budžeta Bosansko-podrinjskog kantona Goražde za period januar-mart 2010. godine.

Ima li potrebe za obrazloženjem? /Nema/. Otvaram raspravu.

U diskusiji po Informaciji o izvršenju Budžeta Bosansko-podrinjskog kantona Goražde za period januar-mart 2010. godine učestvovao je Terović Dževad.

Pošto se niko ne javlja za riječ, zaključujem raspravu i konstatiram da je Skupština Bosansko-podrinjskog kantona Goražde primila k znanju Informaciju o izvršenju Budžeta Bosansko-podrinjskog kantona Goražde za period januar-mart 2010. godine.

Tačka 8.-

Prelazimo na 8-mu tačku dnevnog reda: Izvještaj o izvršenju tekuće budžetske rezerve za period 01. 01. – 31. 03. 2010. godine.

Ima li potrebe za obrazloženjem? /Nema/. Otvaram raspravu.

Pošto se niko ne javlja za riječ, zaključujem raspravu i pozivam poslanike da se izjasnimo dizanjem ruke o Izvještaju o izvršenju tekuće budžetske rezerve za period 01. 01. – 31. 03. 2010. godine.

Ko je za, molim, da digne ruku? /17 poslanika/
Ima li neko protiv? /Niko/
Da li se neko uzdržao od glasanja? /5 poslanika/

Konstatiram da je Skupština Bosansko-podrinjskog kantona Goražde sa 17 glasova „za“ i 5 „uzdržanih“ glasova usvojila Izvještaj o izvršenju tekuće budžetske rezerve za period 01. 01. – 31. 03. 2010. godine.

Tačka 9.-

Prelazimo na 9-tu tačku dnevnog reda: Konačni Izvještaj o izvršenoj reviziji finansijskih izvještaja Bosansko-podrinjskog kantona Goražde za 2009. godinu.

Džemidžić Envera - predsjednica Komisija za budžet, finansije i administrativna pitanja Skupštine Bosansko-podrinjskog kantona Goražde

Komisija za budžet, finansije i administrativna pitanja Skupštine Bosansko-podrinjskog kantona Goražde, na sjednici održanoj 29. jula 2010. godine razmatrala je Konačni Izvještaj o izvršenoj reviziji finansijskih izvještaja Bosansko-podrinjskog kantona Goražde za 2009. godinu, pa je na osnovu člana 23. i 45. Poslovnika Skupštine Bosansko-podrinjskog kantona Goražde /"Službene novine Bosansko-podrinjskog kantona Goražde", broj: 10/08/, zauzela slijedeći:

S t a v

Predlaže se Skupštini Bosansko-podrinjskog kantona Goražde da zaduži Internog budžetskog revizora Bosansko-podrinjskog kantona Goražde, Ministarstvo za finansije Bosansko-podrinjskog kantona Goražde i Komisiju za budžet, finansije i administrativna pitanja Skupštine Bosansko-podrinjskog kantona Goražde da odmah pristupe otklanjanju uočenih nedostataka iz Konačnog Izvještaja Ureda za reviziju institucija u Federaciji Bosne i Hercegovine o izvršenoj reviziji finansijskih izvještaja Budžeta Bosansko-podrinjskog kantona Goražde iz ranijih i 2009. godine, te da o tome u pismenoj formi izvjestite Skupštinu Bosansko-podrinjskog kantona Goražde do kraja 2010. godine.

Otvaram raspravu.

U diskusiji, po Konačnom Izvještaju o izvršenoj reviziji finansijskih izvještaja Bosansko-podrinjskog kantona Goražde za 2009. godinu, učestvovali su: Žuga Damir, Obuća Bajro, Terović Dževad, Pleh Muhidin ministar za finansije u Vladi Bosansko-podrinjskog kantona Goražde i Imamović Ibrahim.

Pošto se niko ne javlja za riječ, zaključujem raspravu i konstatiram da je Skupština Bosansko-podrinjskog kantona Goražde primila k znanju Konačni Izvještaj o izvršenoj reviziji finansijskih izvještaja Bosansko-podrinjskog kantona Goražde za 2009. godinu.

Stavljam na glasanje zaključak koji je predložila Komisija za budžet, finansije i administrativna pitanja Skupštine Bosansko-podrinjskog kantona Goražde.

/Sjednici prisustvuje 21 poslanik/

Ko je za, molim, da digne ruku? /21 poslanik/
Ima li neko protiv? /Niko/
Da li se neko uzdržao od glasanja? /Niko/

Konstatiram da je Skupština Bosansko-podrinjskog kantona Goražde, jednoglasno, sa 21 glasom „za“ usvojila slijedeći:

Z a k l j u č a k

Zadužuje se Interni budžetski revizor Bosansko-podrinjskog kantona Goražde, Ministarstvo za finansije Bosansko-podrinjskog kantona Goražde i Komisija za budžet, finansije i administrativna pitanja Skupštine Bosansko-podrinjskog kantona Goražde da odmah pristupe otklanjanju uočenih nedostataka iz Konačnog Izvještaja Ureda za reviziju institucija u Federaciji Bosne i Hercegovine o izvršenoj reviziji finansijskih izvještaja Budžeta Bosansko-podrinjskog kantona Goražde iz ranijih i 2009. godine, te da o tome u pismenoj formi izvjestite Skupštinu Bosansko-podrinjskog kantona Goražde do kraja 2010. godine.

Tačka 10.-

Prelazimo na 10-tu tačku dnevnog reda: Informacija o radu Kantonalnog pravobranilaštva Bosansko-podrinjskog kantona Goražde za 2009. godinu.

U diskusiji, po Inforamciji o radu Kantonalnog pravobranilaštva Bosansko-podrinjskog kantona Goražde za 2009. godinu, učestvovali su: Turčalo Mehmed, Žuga Damir, Delahmet Mensur kantonalni pravobranilac, Imamović Ibrahim i Džemidžić Envera.

Pošto se niko više ne javlja za riječ zaključujem raspravu i konstatujem da je Skupština Bosansko-podrinjskog kantona Goražde primila k znaju Inforamciju o radu Kantonalnog pravobranilaštva Bosansko-podrinjskog kantona Goražde za 2009. godinu.

Tačka 11.-

Prelazimo na 11-tu tačku dnevnog reda: Informacija o stanju turističko-ugostiteljske djelatnosti na području Bosansko-podrinjskog kantona Goražde.

Begović Alija – predsjedavajući Skupštine

Otvaram raspravu.

Pošto se niko ne javlja za riječ, zaključujem raspravu i konstatiram da je Skupština Bosansko-podrinjskog kantona Goražde primila k znanju Informaciju o stanju turističko-ugostiteljske djelatnosti na području Bosansko-podrinjskog kantona Goražde.

Tačka 12.

Prelazimo na 12-tu tačku dnevnog reda: Informacija o stanju predajnika, repetitora i opreme u vlasništvu Bosansko-podrinjskog kantona Goražde.

Obrazloženje po Informaciji o stanju predajnika, repetitora i opreme u vlasništvu Bosansko-podrinjskog kantona Goražde dao je Žuga Zaim, predstavnik Ministarstva za privredu u Vladi BPK-a Goražde, a u diskusiji su učestvovali: Bašić Redžo, Adžem Memsur, Begović Alija, Žuga Zaim i Podrug Salko.

Begović Alija – predsjedavajući Skupštine

Otvaram raspravu.

Pošto se niko više ne javlja za riječ, zaključujem raspravu i konstatiram da je Skupština Bosansko-podrinjskog kantona Goražde primila k znanju Informaciju o stanju predajnika, repetitora i opreme u vlasništvu Bosansko-podrinjskog kantona Goražde.

Tačka 13.-

Prelazimo na 13-tu tačku dnevnog reda: Informacija o utrošku sredstava prema programima na koje je dala saglasnost Skupština Bosansko-podrinjskog kantona Goražde.

Begović Alija – predsjedavajući Skupštine

Otvaram raspravu.

U diskusiji, po Informaciji o utrošku sredstava prema programima na koje je dala saglasnost Skupština Bosansko-podrinjskog kantona Goražde, učestvovali su: Turčalo Mehmed, Borović Mensud, Žuga Damir i Hubanić Mirsad, predstavnik Ministarstva za privredu u Vladi Bosansko-podrinjskog kantona Goražde.

Pošto se niko više ne javlja za riječ, zaključujem raspravu i konstatiram da je Skupština Bosansko-podrinjskog kantona Goražde primila k znanju Informaciju o utrošku sredstava prema programima na koje je dala saglasnost Skupština Bosansko-podrinjskog kantona Goražde.

Tačka 14.-

Prelazimo na 14-tu tačku dnevnog reda: Prijedlog Zaključka o davanju saglasnosti Vladi Bosansko-podrinjskog kantona Goražde – Ministarstvu za socijalnu politiku, zdravstvo, raseljena lica i izbjeglice Bosansko-podrinjskog kantona Goražde na pilot projekt „Socijalno stanovanje u Bosni i Hercegovini“.

Begović Alija – predsjedavajući Skupštine

Otvaram raspravu.

/Sjednici prisustvuje 20 poslanika/

Pošto se niko više ne javlja za riječ, zaključujem raspravu i stavljam na glasanje slijedeći:

Z a k l j u č a k

1/ Daje se saglasnost Ministarstvu za socijalnu politiku, zdravstvo, raseljena lica i izbjeglice Bosansko-podrinjskog kantona Goražde na pilot projekat „Socijalno stanovanje u Bosni i Hercegovini“, za obnovu 20 /dvadeset/ potkrovnih stanova u Vitkovićima.

2/ Preporučuje se Vladi Bosansko-podrinjskog katnona Goražde da donese Odluku o dodjeli 20 /dvadeset/ potkrovnih stanova u Vitkovićima Ministarstvu za socijalnu politiku, zdravstvo, raseljena lica i izbjeglice Bosansko-podrinjskog kantona Goražde.

Ko je za, molim, da digne ruku? /20 poslanika/

Ima li neko protiv? /Niko/

Da li se neko uzdržao od glasanja? /Niko/.

Konstatiram da je Skupština Bosansko-podrinjskog kantona Goražde, jednoglasno, sa 20 glasova „za“ usvojila slijedeći:

Z a k l j u č a k

1/ Daje se saglasnost Ministarstvu za socijalnu politiku, zdravstvo, raseljena lica i izbjeglice Bosansko-podrinjskog kantona Goražde na pilot projekat „Socijalno stanovanje u Bosni i Hercegovini“, za obnovu 20 /dvadeset/ potkrovnih stanova u Vitkovićima.

2/ Preporučuje se Vladi Bosansko-podrinjskog kantona Goražde da donese Odluku o dodjeli 20 /dvadeset/ potkrovnih stanova u Vitkovićima Ministarstvu za socijalnu politiku, zdravstvo, raseljena lica i izbjeglice Bosansko-podrinjskog kantona Goražde.

Tačka 15.-

Prelazimo na 15-tu tačku dnevnog reda: Zaključak Komisije za ljudska prava, građanske slobode, predstavke, etički kodeks i civilno društvo po Informaciji o radu Kantonalnog tužilaštva u vezi postavljenih poslaničkih pitanja u Skupštini Bosansko-podrinjskog kantona Goražde.

Podrug Salko – predsjednik Komisije za ljudska prava, građanske slobode, predstavke, etički kodeks i civilno društvo Skupštine BPK-a Goražde

Komisija za ljudska prava, građanske slobode, predstavke, etički kodeks i civilno društvo Skupštine Bosansko-podrinjskog kantona Goražde na zajedničkoj sjednici sa članovima Kolegija Skupštine Bosansko-podrinjskog kantona Goražde kojoj su prisustvovali Kantonalni tužilac Bilajac Mirsad, premijer Bosansko-podrinjskog kantona Goražde Uruči Nazif i profesionalni poslanik u Skupštini Bosansko-podrinjskog kantona Goražde Terović Dževad i predstavnik Ministarstva unutrašnjih poslova BPK-a Goražde Gušo Šefko, održanoj 21. jula 2010. godine i sjednici Komisije, održanoj 28. jula 2010. godine, na kojim je razmatrana Informacija o radu Kantonalnog tužilaštva u vezi postavljenih poslaničkih pitanja u Skupštini Bosansko-podrinjskog kantona Goražde, na osnovu člana 23. i člana 37. Poslovnika Skupštine Bosansko-podrinjskog kantona Goražde /"Službene novine Bosansko-podrinjskog kantona Goražde", broj: 10/08, zauzela je slijedeći:

S t a v

1/ Komisija za ljudska prava, građanske slobode, predstavke, etički kodeks i civilno društvo Skupštine Bosansko-podrinjskog kantona Goražde predlaže Skupštini Bosansko-podrinjskog kantona Goražde da donese slijedeći:

Z a k l j u č a k

1/ Skupština Bosansko-podrinjskog kantona Goražde zahtjeva od svih institucija koje se bave pitanjima ratnih zločina da ažuriraju, odnosno ubrzaju aktivnosti, na osnovu dostavljene validne dokumentacije oko počinjenih ratnih zločina na prostoru Jugoistočne Bosne.

2/ Skupština Bosansko-podrinjskog kantona Goražde poziva sva udruženja koja se bave ovom problematikom, kao i građane da svu raspoloživu dokumentaciju dostave Ministarstvu unutrašnjih poslova Bosansko-podrinjskog kantona Goražde i Kantonalnom tužilaštvu Goražde, kako bi se na osnovu prikupljenih informacija ubrzalo procesuiranje ratnih zločinaca.

3/ Komisija za ljudska prava, građanske slobode, predstavke, etički kodeks i civilno društvo Skupštine Bosansko-podrinjskog kantona Goražde, kao radno tijelo Skupštine, stoji na raspolaganju svim udruženjima i građanima za pružanje pomoći u skladu sa svojim nadležnostima.

Ako Skupština Bosansko-podrinjskog kantona Goražde usvoji ove zaključke bit će upućeni na adrese, koje nisu ovdje precizirane, ali jesu na Komisiji.

Begović Alija – predsjedavajući Skupštine

Otvaram raspravu po ovoj tački dnevnog reda.

Žuga Damir – Ja ću pročitati tekst koji bi predložio Skupštini da usvoji po ovoj tački dnevnog reda.

Na području opština u sastavu Bosansko-podrinjskog kantona Goražde, u proteklom ratu, počinjena su brojna djela sa elementima ratnog zločina. Samo područje je 4 godine bilo u potpunosti okruženo i izloženo neselektivnom granatiranju uz uskraćivanje osnovnim ljudskim pravima, slobodama i životnim potrebama. Pored navedenog u pojedinim naseljima u sastavu opština Bosansko-podrinjskog kantona Goražde vršena su odvodjenja i ubijanja civilnog stanovništva. Zbog svega navedenog i poslije proteka značajnog vremenskog perioda od pravosudnih institucija Bosne i Hercegovine nije došlo do procesuiranja ni jednog ratnog zločina počinjenog na ovom prostoru. Nakon održane posebne sjednice Skupštine Bosansko-podrinjskog kantona Goražde, koja je održana 14. jula 2010. godine, a na kojoj su se poslanici informisali sa radom Kantonalnog tužilaštva u vezi postavljenih poslaničkih pitanja za neprocesuiranje ratnih zločina, Skupština Bosansko-podrinjskog kantona Goražde je na svojoj 38-moj redovnoj sjednici, održanoj 2. avgusta 2010. godine, donijela

s l i j e d e ć i:

Z a k l j u č a k

Skupština Bosansko-podrinjskog kantona Goražde izražava svoje nezadovoljstvo u pogledu procesuiranja predmeta ratnih zločina počinjenih na prostoru opština u sastavu Bosansko-podrinjskog kantona Goražde i traži od pravosudnih institucija Bosne i Hercegovine da procesuiraju sve odgovorne za ratne zločine sa pomenutog područja.

DOSTAVLJENO:

PREDSJEDAVALAČI SKUPŠTINE

- 1/ Visokom sudskom i tužilačkom vijeću
Bosne i Hercegovine,
- 2/ Tužilaštvu Bosne i Hercegovine,
- 3/ Ministarstvu pravde BiH
Nadzornom organu za praćenje provođenja
državne strategije za rad na predmetima ratnih
zločina /Odluka Vijeća ministara BiH iz
2009. godine/,
- 4/ a/a.-

Begović Alija

Ovaj zaključak bi zamijenio prvi zaključak koji je predložila Komisija za ljudska prava, građanske slobode, predstavke, etički kodeks i civilno društvo Skupštine Bosansko-podrinjskog kantona Goražde. Zaključak 2. i 3. Komisije ne znam kome bi dostavili.

Dalje, u diskusiji su učestvovali: Begović Alija, Podrug Salko i Kumro Mesud.

/Sjednici prisustvuje 19 poslanika/

Begović Alija - Ja se načelno slažem sa diskusijom g-dina Žuga Damira. Zaključak g-dina Žuge je jasan i konkretan i imaju adrese na koje treba zaključak uputiti. Ja bih predložio da umjesto zaključka 1. koji je predložila Komisija usvojimo zaključak koji je predložio g-din Damir Žuga, te da usvojimo 2. zaključak Komisije i uputimo na medije i svim institucijama – udruženjima koji se bave ovom problematikom.

Stavljam na glasanje zaključak koji je predložio g-din Žuga Damir.

Ko je za, molim, da digne ruku? /19 poslanika/

Ima li neko protiv? /Niko/
Da li se neko uzdržao od glasanja? /Niko/

Konstatiram da je Skupština Bosansko-podrinjskog kantona Goražde, jednoglasno, sa 19 glasova „za“ usvojila slijedeći tekst zaključka:

Na području opština u sastavu Bosansko-podrinjskog kantona Goražde, u proteklom ratu, počinjena su brojna djela sa elementima ratnog zločina. Samo područje je 4 godine bilo u potpunosti okruženo i izloženo neselektivnom granatiranju uz uskraćivanje osnovnim ljudskim pravima, slobodama i životnim potrebama. Pored navedenog u pojedinim naseljima u sastavu opština Bosansko-podrinjskog kantona Goražde vršena su odvodjenja i ubijanja civilnog stanovništva. Zbog svega navedenog i poslije proteka značajnog vremenskog perioda od pravosudnih institucija Bosne i Hercegovine nije došlo do procesuiranja ni jednog ratnog zločina počinjenog na ovom prostoru. Nakon održane posebne sjednice Skupštine Bosansko-podrinjskog kantona Goražde, koja je održana 14. jula 2010. godine, a na kojoj su se poslanici informisali sa radom Kantonalnog tužilaštva u vezi postavljenih poslaničkih pitanja za neprocesuiranje ratnih zločina, Skupština Bosansko-podrinjskog kantona Goražde je na svojoj 38-moj redovnoj sjednici, održanoj 2. avgusta 2010. godine, donijela

Z a k l j u č a k

Skupština Bosansko-podrinjskog kantona Goražde izražava svoje nezadovoljstvo u pogledu procesuiranja predmeta ratnih zločina počinjenih na prostoru opština u sastavu Bosansko-podrinjskog kantona Goražde i traži od pravosudnih institucija Bosne i Hercegovine da procesuiraju sve odgovorne za ratne zločine sa pomenutog područja.

Stavljam na glasanje 2. zaključak Komisije, koji glasi:

Skupština Bosansko-podrinjskog kantona Goražde poziva sva udruženja koja se bave problematikom ratnih zločina, kao i građane da svu raspoloživu dokumentaciju dostave Ministarstvu unutrašnjih poslova Bosansko-podrinjskog kantona Goražde i Kantonalnom tužilaštvu Goražde, kako bi se na osnovu prikupljenih informacija ubrzalo procesuiranje ratnih zločinaca.

Zaključak će se dostaviti sredstvima javnog informisanja i svim poznatim udruženjima koja se bave istragom javnih zločina.

Ko je za, molim, da digne ruku? /19 poslanika/
Ima li neko protiv? /Niko/
Da li se neko uzdržao od glasanja? /Niko/

Konstatiram da je Skupština Bosansko-podrinjskog kantona Goražde, jednoglasno, sa 19 glasova „za“ usvojila slijedeći:

Z a k l j u č a k

Skupština Bosansko-podrinjskog kantona Goražde poziva sva udruženja koja se bave problematikom ratnih zločina, kao i građane da svu raspoloživu dokumentaciju dostave Ministarstvu unutrašnjih poslova Bosansko-podrinjskog kantona Goražde i Kantonalnom tužilaštvu Goražde, kako bi se na osnovu prikupljenih informacija ubrzalo procesuiranje ratnih zločinaca.

Pošto je dnevni red iscrpljen predsjedavajući Skupštine Bosansko-podrinjskog kantona Goražde zaključio je sjednicu u 15:30 sati.

SEKRETAR SKUPŠTINE

Bašić Midhat

PREDSJEDAVAJUĆI SKUPŠTINE

Begović Alija